

Ilma Zulum, rođ. Hodović rođena je 1992. godine u Sarajevu. Violinu je počela svirati sa osam godina. Osnovnu i Srednju muzičku školu (u klasama Dijane Đurđević i Tatjane Romanić) je završila odličnim uspjehom i mnoštvom nagrada sa takmičenja učenika muzike u kategorijama solističkog, kamernog i orkestarskog muziciranja. Za vrijeme pohađanja škole već je imala priliku da nastupa širom BiH, kao i u Njemačkoj, te je bila najmlađi član kamernog orkestra Camerata Academica, pod vođstvom maestra Teodora Romanića.

2010. godine je upisala Muzičku akademiju u Sarajevu, gdje studira violinu u klasi prof. Violete Smailović-Huart. Diplomirala je 2014. godine kao nosilac Zlatne značke Univerziteta u Sarajevu.

Tokom studija se aktivno bavila različitim aspektima muzičkog života: prva pedagoška iskustva stekla je u radu sa djecom predškolskog i školskog uzrasta, a kasnije i sa studentima u ulozi demonstratora. Učestvovala je u velikim projektima Muzičke akademije redovnim nastupima na Majskim muzičkim svečanostima, Sarajevo Chamber Music Festivalu i Sarajevo Sonic Studiu. Posebno velik doprinos dala je festivalima Muzika na žici u svim slojevima njihove organizacije.

Nastupima sa orkestrom Sarajevske filharmonije i cijenjenim dirigentskim imenima stekla je iskustvo rada na različitim žanrovima orkestarskog muziciranja (simfonija, balet, opera). Tokom studija je imala priliku i da pohađa seminare brojnih vrsnih muzičara, i da nastupa u BiH, Hrvatskoj, Austriji, Sloveniji i Francuskoj.

Od 2015. godine radi kao asistent na gudačkom odsjeku-oblast violina, na Muzičkoj akademiji Univerziteta u Sarajevu, a magistrirala je 2016. godine sa najvišim ocjenama.

Član je Gudačkog orkestra Muzičke akademije i Gudačkog kvarteta Sarajevo Sinfoniette s kojima redovno nastupa. Pored nastupa i saradnjisa cijenjenim kolegama u okviru Koncertne sezone Muzičke akademije i različitih festivala, posebnu pažnju pridaje pedagoškom radu i projektima kao što je Academy on Tour.